



---

# Տարեկան հաշվետվություն

---

2021

# Բովանդակություն

Ընկերության  
մասին

01



Ռազմավարական  
հաշվետվություն

02

Ֆինանսական  
հաշվետվություններ

03

- 4 Ընդհանուր տեղեկատվություն
- 5 Տեսլականը, առաքելությունը
- 6 Հիմնական արժեքները
- 8 Բաժնետերեր և ղեկավարություն
- 12 Տնօրենի ուղերձը
- 13 Միջազգային գործընկերներ
- 14 Զարգացումներ և ձեռքբերումներ

- 17 ՀՀ տնտեսություն և կապիտալ շուկաներ
- 20 Մեր անձնակազմը
- 21 Ռիսկերի կառավարում

- 23 Համապարփակ ֆինանսական արդյունքների մասին  
հաշվետվություն
- 24 Ֆինանսական վիճակի մասին հաշվետվություն
- 25 Դրամական միջոցների հոսքերի մասին հաշվետվություն

# Գլուխ 1



# ԸՆԿԵՐՈՒԹՅԱՆ ՄԱՍԻՆ

2021



# Ընդհանուր տեղեկատվություն

«Դայմենշն» ՓԲԸ-ն ներդրումային ընկերություն է, որի նպատակն է հաճախորդներին մատուցել բարձրորակ ծառայություններ՝ առաջնահերթությունը տալով հաճախորդի շահերին: Ընկերությունը մատուցում է օրենքով և այլ իրավական ակտերով ներդրումային ընկերություններին թույլատրված ֆինանսական ծառայություններ:

Ընկերությունն իր գործունեության ընթացքում առաջնորդվում է կորպորատիվ կառավարման միջազգայնորեն ճանաչված նորմերով և որոշումների կոլեգիալ ընդունման սկզբունքներով:


## Հիմնական գործունեություն

- Խորհրդատվություն կապիտալի շուկաներում
- Արժեթղթերի գործառնություններով պայմանավորված ծառայություններ
- Ակտիվների կառավարում

## Այլ մասնակցություն

- Հայաստանի կենտրոնական դեպոզիտարիայի Հաշվի օպերատոր
- Հայաստանի ֆոնդային բորսայի անդամ

Ընկերությունը գրանցված է և վերահսկվում է ՀՀ կենտրոնական բանկի կողմից (լիցենզիա 0014):






# Տեսլականը եւ առաքելությունը

## Տեսլական

Դայմենշնի տեսլականն է դառնալ Հայաստանի Հանրապետությունում առաջատար ներդրումային ընկերություն՝ հաճախորդներին տրամադրելով բարձրակարգ և միջազգային որակի ֆինանսական ծառայություններ:

## Առաքելություն

Հայաստանում ներդրումային ծառայությունների մատուցման ոլորտում գործել որպես հուսալի, խորաթափանց և արդյունավետ գործընկեր՝ առաջնահերթությունը տալով հաճախորդի շահերին և պահպանելով բարձր բարեվարքություն:



# Հիմնական արժեքներ



Մենք առաջարկում ենք ֆինանսական և ներդրումային ծառայությունների լայն ընտրանի, ապահովում ենք մատուցված ծառայությունների բարձր որակ՝ առաջնահերթությունը տալով հաճախորդի շահերին: Մենք ցուցաբերում ենք անհատական մոտեցում յուրաքանչյուր գործընկերոջը և հաճախորդին՝ կառուցելով կայուն և երկարատև հարաբերություններ: Ընկերությունն առաջնորդվում է կորպորատիվ կառավարման միջազգայնորեն ճանաչված նորմերով և որոշումների կոլեգիալ ընդունման սկզբունքներով:

Մենք խիստ կարևորում ենք մեր հաճախորդների անձնական տվյալների գաղտնիության պահպանումը: Ղեկավարվելով ՀՀ օրենսդրությամբ՝ մենք երաշխավորում ենք պահպանել հաճախորդների և գործընկերների վերաբերյալ տեղեկատվությունը:



Մեր թիմի աշխատակիցները կհսում են ընդհանուր արժեքներ և հավատարիմ են ընկերության որդեգրած ռազմավարությանը: Դայմենշն ընկերության աշխատակիցները թիմային են, նվիրված ու համախմբված, ովքեր ջանք ու եռանդ չեն խնայում յուրաքանչյուր նախագիծ և աշխատանք հավուր պատշաճի իրականացնելու համար: Մենք կհսում ենք միմյանց հետ մեր փորձառությունը՝ ստեղծելով արդյունավետ գործընկերային հարաբերություններ:



Կարևորելով մեր համբավը՝ մենք բարձր ենք գնահատում վստահությունը, ազնվությունը և գործնական էթիկան: Մենք ձգտում ենք դառնալ կայուն և վստահելի ֆինանսական կառույց ՀՀ ֆինանսական շուկայում, որը ներդրողներին ծառայություններ մատուցելիս գործում է ֆիդուցիար պարտականությունների շրջանակում:



# Բաժնետերեր և ղեկավարություն

## Տնօրենների խորհուրդ



**Դավիթ Հակոբյան**

Բաժնետեր և խորհրդի նախագահ



**Կարել Քրիս Հոֆստրա**

Բաժնետեր և խորհրդի անդամ



**Էդգար Համբարյան**

Խորհրդի անդամ



# Բաժնետերեր եւ ղեկավարություն



## Բաժնետերեր




Դավիթ Հակոբյան



Կարել Քրիս Հոֆստրա



Արմեն Գրիգորյան



- Դավիթ Հակոբյան
- Կարել Քրիս Հոֆստրա
- Արմեն Գրիգորյան



# Բաժնետերեր եւ ղեկավարություն



## Դավիթ Հակոբյան

Բաժնետեր և խորհրդի նախագահ

Դավիթը մասնագիտացած է ֆինանսաիրավական, ինչպես նաև ընկերությունների compliance ոլորտում, մարդու իրավունքները բիզնեսում, սոցիալական պատասխանատվություն, հակակոռուպցիոն քաղաքականություն: Մինչև «Դայմենշն» ՓԲԸ-ն հիմնադրելը Դավիթն աշխատել է «Դելոյթ Արմենիա» ընկերությունում որպես իրավաբանական ծառայությունների մենեջեր: Դավիթը ստացել է իրավունքի մագիստրոսի աստիճան Փարիզ 1 Փանթեոն-Սորբոն համալսարանից, ինչպես նաև ավարտել է իրավաբանական պրակտիկայի դասընթացը (LPC) Լոնդոնի BPP իրավաբանական դպրոցում: Նա Հայաստանում, Անգլիայում և Ուելսում արտոնագրված փաստաբան է:



## Կարել Քրիս Հոֆստրա

Բաժնետեր և խորհրդի անդամ

Կարելը Միգրացիայի քաղաքականության զարգացման միջազգային կենտրոնի (ICMPD) Հայաստանի գրասենյակի ղեկավարն է: Կարելը զբաղեցրել է Եվրոպական Միության կողմից ներգաղթի և ինտեգրման գրասենյակի կողմից ֆինանսավորվող Հայաստանի նպատակին նախաձեռնությունների ծրագրի ղեկավարի պաշտոնը: Բացի այդ, նա եղել է Քաունթերփարթ ինթերնեշնլի (ԱՄՆ ՄՁԳ-ի իրականացման գրասենյակ) հայաստանյան գրասենյակի ղեկավարը: Կարելը հանդիսանում է Հայաստանի Հանրապետությունում Նիդերլանդների Թագավորության պատվո հյուպատոս, իսկ նախկինում նաև՝ ԵԱՀԿ փոխդեսպան:

# Բաժնետերեր եւ ղեկավարություն



## Արմեն Գրիգորյան

Բաժնետեր և խորհրդատվական խմբի նախագահ

Արմեն Գրիգորյանը ֆինանսական ոլորտում ունի առավել քան քսան տարվա փորձ: Ծառայել է տասնյոթ ընկերությունների խորհրդում: ԱՄՆ-ի երկու ներդրումային ընկերությունների՝ «Defoe Redmount» (1994թ.) «Redmount Capital Partners» (2004 թ.) հիմնադիր և համահիմնադիր է: Ընկերությունները մշակում են բարդ ներդրումային ռազմավարություններ և ղեկավարում են հաճախորդների, և փոխկապակցված բիզնես գործընկերների ներդրումները: «Defoe Redmount» ընկերությունը կառավարում է ավելի քան հինգ հարյուր միլիոն դոլարի ակտիվներ իր դիվերսիֆիկացված ներդրումային ուղղություններում:



## Միքայել Մարգարյան

Գլխավոր տնօրեն

Մինչև «Դայմենշն» ՓԲԸ-ին միանալը Միքայելը «Հայէկոնոմբանկ» ԲԲԸ-ում զբաղեցրել է Ավանդների և կորպորատիվ հաճախորդների ներգրավման, այնուհետև՝ Բիզնեսի զարգացման վարչության ղեկավարի պաշտոնները: Միքայելը ֆինանսաիրավական մասնագետ է արժեթղթերի կառուցվածքի որոշման, թողարկման, ինչպես նաև կորպորատիվ գործառնությունների գրանցման գծով: Միքայելը ստացել է մագիստրոսի աստիճան Հայաստանի ամերիկյան համալսարանի քաղաքագիտության և միջազգային հարաբերությունների բաժնից, իսկ բակալավրի աստիճանը՝ ԵՊՀ համալսարանի միջազգային հարաբերությունների ֆակուլտետից:



# Տնօրենի ուղերձը



## Միքայել Մարգարյան

Գլխավոր տնօրեն


2021 թվականին, ըստ «Դայմենշն» ՓԲԸ-ի (այլուստե՛ս՝ ընկերություն) կանխատեսումների, կսկսի ՀՀ տնտեսության աստիճանական վերականգնումը, որի ամբողջական վերականգնմանը հնարավոր կլինի հասնել 2022-2023 թվականներին:

Ընկերությունը նախատեսում է ունենալ գործընկերների լայն շրջանակ՝ շեշտադրելով ինչպես տեղական, այնպես էլ միջազգային կազմակերպությունների հետ համագործակցությունը: Այս նպատակով ընկերությունն ակտիվ գործունեություն կծավալի ինչպես գործընկերների առաջնային խումբ համարվող ՀՀ ֆինանսական կազմակերպությունների հետ համագործակցության ընդլայնման, այնպես էլ միջազգային կառույցների հետ ներդրումային ծրագրերով համագործակցության ուղղությամբ:

Իր առջև դրված նպատակներին հասնելու համար ընկերությունն առաջնորդվելու է կազմակերպության զարգացման էվոյուցիոն և ինստիտուցիոնալ զարգացման սկզբունքներով: Ընկերության ապագա ժամանակաշրջանի գերնպատակներից է ներգրավել իր կազմում ինստիտուցիոնալ գործընկեր, որը հնարավորություն կտա ընկերությանը բարձրացնել ծառայությունների մատուցման մակարդակը՝ ընդլայնելով մատուցվող ծառայությունների շրջանակը և ծավալը:

Ընկերությունն իր բաժնետերերի, ղեկավարների և աշխատակիցների կողմից ցուցաբերած ճկունության և հեռատեսության շնորհիվ կարճ ժամանակահատվածում ամրապնդել է իր դիրքերը ՀՀ ֆինանսական շուկայում՝ ներդրողների և գործընկերների համար լինելով վստահելի ֆինանսական գործընկեր, որն էլ հանդիսանում է ընկերության առաքելությունը: Եվ չնայած մարտահրավերներով լի տարվան՝ Դայմենշնը ոչ միայն կարողացավ ապահովել ընկերության անխափան աշխատանքը, այլև պահպանեց առաջատար դիրքերը շուկայում:


Շնորհակալ ենք վստահության համար:  
Մ. Մարգարյան



# Միջազգային գործընկերներ



«Defoe Redmount» ընկերությունը գործունեություն է ծավալում ԱՄՆ-ի երեք նահանգներում՝ Կալիֆորնիա, Տեխաս և Նյու Ջերսի, և Խորվաթիայի մայրաքաղաք Ջագրեբում:  
Ընկերությունն ունի 90-ից ավելի աշխատակից և կառավարում է ավելի քան 500 միլիոն ԱՄՆ դոլարի ակտիվներ՝ դիվերսիֆիկացված ներդրումային ուղղություններում: Ընկերությունը համաներդրել է 250 միլիոն ԱՄՆ դոլարից ավել մասնավոր բաժնետոմսային ներդրումային ուղղություններում:



«Adriatic Capital Partners» ընկերությունը հիմնադրվել է «InterFinance Group» ընկերության և «Defoe Redmount» ընկերության համաներդրմամբ: Ընկերությունը զբաղվում է մասնավոր բաժնեմասային ներդրումներով Եվրոպայի Ադրիատիկ շրջանում:



Լոնդոնյան «RVS Solicitors»-ը իրավաբանական ընկերություն է, որի ծառայությունների շրջանակը ներառում է այն ամենը, ինչի կարիքն ունեն հաճախորդները ժամանակակից աշխարհում: Ընկերությունում աշխատում են փորձառու մասնագետներ, որոնք մատուցում են իրավաբանական ծառայություններ ներգաղթի, ընտանեկան, քաղաքացիական դատավարության և այլ ոլորտներում:



# Ձարգացումներ եւ ձեռքբերումներ

## Ընկերությունը արձանագրել է մի շարք զարգացումներ, դրական արդյունքներ և հաջողություններ:

- Զսպողական դրամավարկային քաղաքականության միջավայրում դիլերների թիվը հաջողությամբ կառավարել է պորտֆելի ռիսկը և պահպանել բավարար իրացվելիություն՝ կորուստները հասցնելով նվազագույնի և պահպանելով առաջատար դիրքը ներդրումային ընկերությունների շուկայում:
- Դայմենշնն ընտրվել է «Ակբա բանկ» ԲԲԸ-ի բաժնետոմսերի միակ շուկա ստեղծողը (market maker):
- Ընկերությունը ներգրավել է օտարերկրյա ներդրողների՝ միաժամանակ համագործակցություն հաստատելով ամերիկյան և եվրոպական ներդրումային ընկերությունների հետ:
- Իրականացվել է մատուցվող ծառայությունների շրջանակի թարմացում և ընդլայնում, որի արդյունքում շեշտը դրվել է ներդրումային ծառայությունների մատուցման վրա, այդ թվում տեղաբաշխում, մարքեթ մեյքինգ, IPO խորհրդատվություն և այլն:



# Ձարգացումներ եւ ձեռքբերումներ



Ընկերությունն արձանագրել է մի շարք զարգացումներ, դրական արդյունքներ և հաջողություններ:

- Անձնակազմը ընդլայնվել է և համալրվել լիցենզավորված աշխատակիցներով:
- Ընկերության աշխատակից Գայանե Արզումանյանն արդեն երկրորդ տարին անընդմեջ ճանաչվել է հաղթող Հայաստանի կենտրոնական դեպոզիտարիայի կողմից AMX մրցանակաբաշխության Արժեթղթերի հաշվառման և հաշվարկային միասնական համակարգի անդամի լավագույն աշխատակից անվանակարգում:
- Ռեեստրավարման ծառայություններից օգտվող ակտիվ հաճախորդների թիվը կրկնապատկվել է, ինչի արդյունքում Դայմենշնը ամրապնդել է իր դիրքերը դեպոզիտար ծառայությունների օպերատորների շարքում:



Գլուխ 2



---

# Ռազմավարական Հաշվետվություն

---




2021





# ՀՀ տնտեսություն և կապիտալ շուկաներ

Համախառն ներքին արդյունք (ՀՆԱ)  
2011թ. - 2021թ.




Ճգնաժամի և պատերազմի ծանր պայմաններում 2020թ.-ին ՀՀ տնտեսությունը ծանր հարված է կրել (-7.2%), մասնավորապես առավել մեծ չափով տուժել են կացության և հանրային սննդի կազմակերպումը (-45.01%), վարչարարական և օժանդակ գործունեությունը (-43.46%) և փոխադրումների և պահեստային տնտեսության ոլորտը (-34.07%): Շուկային միջավայրից անցման և տնտեսական հարաբերական կայունացման արդյունքում 2021թ.-ին ՀՆԱ-ն որոշ չափով վերականգվել է (5.7%): Արժույթի միջազգային հիմնադրամի (IMF) կանխատեսումներով, իրական ՀՆԱ աճը 2022թ.-ին կազմելու է 1.5%, որն արտացոլում է տնտեսության վերականգնման սպասվածից ավելի դանդաղ տեմպը:

# ՀՀ տնտեսությունն և կապիտալ շուկաներ



Ինչպես ՀՆԱ-ի դեպքում, այնպես էլ միջազգային առևտրի ոլորտում 2021թ. նկատվել է էական կայունացում, և նույնիսկ՝ աճ: Այսպիսով, 2021թ. արտահանումը աճել է 19.1%-ով, իսկ ներմուծման ծավալներում գրացնվել է 16.9% աճ: Հաշվի առնելով, որ ՀՀ հիմնական և ամենամեծ առևտրային գործընկերը Ռուսաստանի Դաշնությունն է, կանխատեսվում է, որ տարածաշրջանային լարված վիճակը 2022թ. հանգեցնելու է առևտրային խաթարումների և ծավալային նվազումների:


Արտահանում և ներմուծում  
2011թ. - 2021թ.





# ՀՀ տնտեսություն և կապիտալ շուկաներ

Գնաճային միտումներ և վերաֆինանսավորման տոկոսադրույք (2020թ.-2022թ.)



Միաժամանակ, պահանջարկի վերաբերյալ միջազգային աննախադեպ մակարդակով, համաշխարհային վերականգնման սպասումներով, հինչպես նաև առաջարկի որոշ գործոններով պայմանավորված, սննդի և ապրանքահումքային միջազգային շուկաներում գնաճային ճարգացումները նպաստել են տարեվերջին Հայաստանում ներմուծված գնաճի արագացմանը: ՀՀ դրամի կայունությունը տեղական և միջազգային շուկաներում պահպանելու, հինչպես նաև 4% տարեկան գնաճային թիրախից կտրուկ չչեղվելու նպատակով ԿԲ-ն շարունակել է պարբերաբար օգտագործել իր գործիքակազմը, ներառյալ վերաֆինանսավորման տոկոսադրույքը և բաց շուկայական գործառնություններ (ռեպո գործարքներ, արտարժույթի ներգրավման սվոփ):

# ԱՆՃՆԱԿԱԳՄ



Մեր թիմի աշխատակիցները կիսում են ընդհանուր արժեքներ և հավատարիմ են ընկերության որդեգրած քաղաքականությանը: Դայմենշն ընկերության աշխատակիցները թիմային են, նվիրված ու համախմբված, ովքեր ջանք ու եռանդ չեն խնայում յուրաքանչյուր նախագիծ և աշխատանք հավուր պատշաճի իրականացնելու համար:

Կարևորելով աշխատակիցների մոտիվացիան և զարգացումը՝ ընկերությունը մշտապես հոգում է նրանց վերապատրաստման, առաջադիմության և կարիերայի աճի մասին: Աշխատակիցները ժամանակ առ ժամանակ վերապատրաստվում են, ինչպես նաև մասնակցում են տարբեր սեմինարների ու կոնֆերանսների:

Աշխատակիցների համար առողջ աշխատանքային մթնոլորտի ապահովումը ընկերության առաջնահերթություններից է: Աշխատակիցներն էլ իրենց հերթին աչքի են ընկնում պրոֆեսիոնալիզմով, թիմային ոգով, պատասխանատվությամբ, ինչպես նաև իրենց գիտելիքները միմյանց հետ փոխանակելու պատրաստակամությամբ:





# Ռիսկերի կառավարում

Ընկերության ռիսկերի կառավարման գործընթացում ընդգրկված են բոլոր աշխատակիցները՝ վերից վար (top-down) մոտեցմամբ: Ռիսկերի կառավարման գործընթացը կազմակերպվում է Ընկերության նպատակներին համահունչ, և հետապնդում է Ընկերությանը գործունեության ընթացքում հնարավոր ռիսկերից զերծ պահելու նպատակը: Ռիսկերի վերլուծությունը կազմում է Ընկերության ռազմավարական պլանավորման, ինչպես նաև ներդրումային ծրագրերի գնահատման անբաժանելի մասը:

Ռիսկերի ամենօրյա կառավարման գործառույթն իրականացվում է ընկերության Գործադիր տնօրենի կողմից: Գործադիր տնօրենն օրական հետևում է շուկայական զարգացումներին, հավաքագրում և ուսումնասիրում է տարբեր տեղեկատվական հոսքերից եկող ազդակները, ինչի արդյունքում ձևավորվում է ամբողջական պատկեր ռիսկերի կառավարման ճշգրիտ գործառույթների իրականացման համար:

Կարևորելով փողերի լվացման և ահաբեկչության ֆինանսավորման դեմ պայքարի գործողությունները՝ Ընկերությունը շարունակում է զարգացնել և բարելավել ներդրված գործառույթներն այս ոլորտում: Ընկերությունում իրականացվում են ներքին սեմինարներ ՓԼ/ԱՖ կանխարգելման թեմայով, որոնք ապահովում են Ընկերության աշխատակիցների իրազեկվածությունը ներքին և օրենսդրական ակտերին:



# Գլուխ 3



---

## Ֆինանսական հաշվետվություն

---



2021



## ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ Համապարփակ ֆինանսական արդյունքների մասին

	2021թ.	2020թ.
Հազար ՀՀ դրամ		
Տոկոսային և նմանատիպ եկամուտներ	124,267	94,723
Տոկոսային և նմանատիպ ծախսեր	(75,667)	(35,317)
<b>Զուտ տոկոսային և նմանատիպ եկամուտ</b>	<b>48,600</b>	<b>59,406</b>
Կոմիսիոն և այլ վճարների տեսքով եկամուտներ	55,796	31,905
Կոմիսիոն և այլ վճարների տեսքով ծախսեր	(21,242)	(15,125)
<b>Ստացված զուտ կոմիսիոն և այլ վճարներ</b>	<b>34,554</b>	<b>16,780</b>
Զուտ եկամուտ/(ծախս) առևտրային գործառնություններից	(8,014)	27,246
Այլ գործառնական եկամուտներ/(ծախսեր)	36	(1,106)
<b>Գործառնական եկամուտներ</b>	<b>75,176</b>	<b>102,326</b>
Զուտ մասհանումներ ակտիվների հնարավոր կորուստների պահուստներին	1,990	1,430
Ընդհանուր վարչական ծախսեր	(47,564)	(47,602)
Այլ գործառնական ծախսեր	(9,124)	(6,743)
<b>Շահույթ մինչև հարկումը</b>	<b>20,478</b>	<b>49,411</b>
Շահութահարկի գծով ծախս	(5,856)	(18,049)
<b>Տարվա շահույթ</b>	<b>14,622</b>	<b>31,362</b>
Այդ թվում՝		
Մայր կազմակերպության բաժնեմաս	14,622	31,362
Չվերահսկվող բաժնեմաս	-	-
<b>Այլ համապարփակ ֆինանսական արդյունք</b>		
«Իրական արժեքով այլ համապարփակ ֆինանսական արդյունքի միջոցով չափվող» ֆինանսական ակտիվների վերագնահատումներ	(41,747)	(27,045)
Այլ համապարփակ եկամուտների վերադասակարգում շահույթին կամ վնասին	(192)	(1,184)
Այլ համապարփակ եկամտի գծով շահութահարկ	7,220	15,459
<b>Այլ համապարփակ ֆինանսական արդյունք հարկումից հետո</b>	<b>(34,719)</b>	<b>(12,770)</b>
<b>Համապարփակ ֆինանսական արդյունք</b>	<b>(20,097)</b>	<b>18,592</b>
Այդ թվում՝		
Մայր կազմակերպության բաժնեմաս	(20,097)	18,592
Չվերահսկվող բաժնեմաս	-	-
Մեկ բաժնետոմսին բաժին ընկնող բազային շահույթ	0.369	0.792
Մեկ բաժնետոմսին բաժին ընկնող նոսրացված շահույթ	0.369	0.792



## ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ Ֆինանսական վիճակի մասին

Հազար ՀՀ դրամ

	2021թ.	2020թ.
<b>Ակտիվներ</b>		
Պահանջներ բանկերի նկատմամբ	24,509	26,832
Պահանջներ հաճախորդների նկատմամբ	6,955	3,638
«Իրական արժեքով՝ այլ համապարփակ ֆինանսական արդյունքի միջոցով չափվող» ֆինանսական ակտիվներ	1,248,006	973,910
Ամորտիզացված արժեքով չափվող ներդրումներ	142,085	142,359
Հիմնական միջոցներ և ոչ նյութական ակտիվներ	9,959	16,752
Հետաձգված հարկային ակտիվներ	9,218	2,340
Այլ ակտիվներ	157,088	375
<b>Ընդամենը ակտիվներ</b>	<b>1,597,820</b>	<b>1,166,206</b>
<b>Պարտավորություններ</b>		
Պարտավորություններ բանկերի նկատմամբ	1,101,055	635,720
Պարտավորություններ հաճախորդների նկատմամբ	2,519	276
Պահուստներ	1,487	1,916
Այլ պարտավորություններ	14,887	30,518
<b>Ընդամենը պարտավորություններ</b>	<b>1,119,948</b>	<b>668,430</b>
<b>Սեփական կապիտալ</b>		
Կանոնադրական կապիտալ	395,840	395,840
Էմիսիոն եկամուտ	8,346	8,346
Գլխավոր պահուստ	4,700	212
Չբաշխված շահույթ	102,048	91,942
Սեփական կապիտալի այլ տարրեր	(33,062)	1,436
<b>Ընդամենը սեփական կապիտալ</b>	<b>477,872</b>	<b>497,776</b>
Մայր կազմակերպությանը պատկանող կապիտալ	477,872	497,776
Փոքրամասնության բաժնեմաս		
<b>Ընդամենը պարտավորություններ և սեփական կապիտալ</b>	<b>1,597,820</b>	<b>1,166,206</b>





## ՀԱՄԱԽՄԲՎԱԾ ՀԱՇՎԵՏՎՈՒԹՅՈՒՆ Դրամական միջոցների հոսքերի մասին

Հազար ՀՀ դրամ

	2021թ.	2020թ.
<b>Դրամական միջոցների հոսքեր գործառնական գործունեությունից</b>		
<i>Դրամական միջոցների զուտ հոսքեր՝ մինչև գործառնական ակտիվների և պարտավորությունների փոփոխությունը</i>		
Ստացված տոկոսներ	125,686	78,079
Վճարված տոկոսներ	(74,280)	(35,833)
Ստացված կոմիսիոն գումարներ	44,706	30,193
Վճարված կոմիսիոն գումարներ	(19,914)	(18,869)
Վճարված աշխատավարձ և դրան հավասարեցված այլ վճարումներ	(33,350)	(27,360)
Գործառնական գործունեությունից ստացված այլ եկամուտներ և վճարված այլ ծախսեր	(157,225)	(13,989)
<i>Դրամական միջոցների հոսքեր գործառնական ակտիվների և պարտավորությունների փոփոխություններից</i>	<b>(114,377)</b>	<b>12,221</b>
Գործառնական ակտիվներում նվազում (ավելացում), այդ թվում՝	(322,848)	388,129
«Իրական արժեքով՝ շահույթի կամ վնասի միջոցով չափվող» և «իրական արժեքով՝ այլ համապարփակ ֆինանսական արդյունքի միջոցով չափվող» ֆինանսական ակտիվների նվազում (ավելացում)	(322,848)	388,129
<i>Ջուր դրամական միջոցների հոսքեր գործառնական գործունեությունից մինչև շահութահարկի վճարումը</i>	<b>(437,225)</b>	<b>400,350</b>
Վճարված շահութահարկ	(19,234)	(5,251)
<i>Ջուր դրամական միջոցների հոսքեր գործառնական գործունեությունից</i>	<b>(456,459)</b>	<b>395,099</b>
<b>Դրամական միջոցների հոսքեր ներդրումային գործունեությունից</b>		
Հիմնական միջոցների և ոչ նյութական ակտիվների ձեռքբերում / կապիտալացում	(1,740)	(1,895)
Հիմնական միջոցների և ոչ նյութական ակտիվների օտարում	-	200
<i>Ջուր դրամական միջոցների հոսքեր ներդրումային գործունեությունից</i>	<b>(1,740)</b>	<b>(1,695)</b>
<b>Դրամական միջոցների հոսքեր ֆինանսավորման գործունեությունից</b>		
Ստացված փոխառությունների ավելացում/(նվազում)	463,554	(424,411)
Բաժնետերերի ներդրումները կանոնադրական կապիտալում	-	47,986
Վարձակալության գծով պարտավորության հիմնական մասի վճարում	(6,210)	(5,191)
<i>Ջուր դրամական միջոցների հոսքեր ֆինանսավորման գործունեությունից</i>	<b>457,344</b>	<b>(381,616)</b>
Արտարժույթի փոխարժեքի փոփոխության ազդեցությունը դրամական միջոցների և դրանց համարժեքների վրա	(1,468)	2,595
<b>Դրամական միջոցների և դրանց համարժեքների զուտ աճ/(նվազում)</b>	<b>(855)</b>	<b>11,788</b>
Դրամական միջոցներ և դրանց համարժեքներ ժամանակաշրջանի սկզբում	26,832	12,449
<b>Դրամական միջոցներ և դրանց համարժեքներ ժամանակաշրջանի վերջում</b>	<b>24,509</b>	<b>26,832</b>



DIMENSION  
INVESTMENTS

## Ֆինանսական և ներդրումային ծառայությունների նոր ձևաչափ

---

Աշխատանքային ժամեր՝ երկուշաբթի-ուրբաթ, 9:00-18:00

Հասցե. ք. Երևան, Բաղրամյան 2, 6-րդ հարկ, 27/1

Հեռ. (010) 54 56 70

Էլ. փոստ. [info@dimension.am](mailto:info@dimension.am)

Էլ. կայք. [www.dimension.am](http://www.dimension.am)

